

2019



BASES

1. Poderá participar o alumnado matriculado nos institutos públicos do concello de Pontevedra.
2. Cada participante poderá presentar cantas obras queira, se ben en cada categoría non se concederá máis dun premio á mesma persoa.
3. O alumnado participante non fará figurar o seu nome nas obras agás nos certames de videoclip e curtametraxes. Xunto con estas, entregarase un sobre pechado que conterá os datos persoais: **nome, idade, endereço, teléfono, curso e instituto no que estuda**. No exterior figurará o título da obra a carón do pseudónimo do autor ou autora, a modalidade á que se presenta e, se é o caso, a categoría na que participa. **O alumnado que resulte premiado deberá achegar copia do DNI e certificación do número da conta bancaria na que estea autorizado.**
4. O xurado que cualificará os traballos será designado pola Comisión Organizadora e só a el corresponde a interpretación das bases. O seu veredicto será inapelable.
5. Todas as obras presentadas poderán ser reproducidas, expostas ou editadas.
6. Os traballos entregaránelles aos membros dos equipos de normalización e dinamización da lingua galega dos institutos.
7. **O prazo de admisión de traballos remata o martes 23 de abril de 2019.**
8. O anuncio do veredicto do xurado e a entrega de premios realizaranse nunha gala ao remate da mostra de teatro "Ben veñas, maio" **o xoves 9 de maio de 2019.**
9. Ademais dos premios establecidos, o xurado poderá outorgar cantos accésitos considere oportunos. Os accésitos consistirán nun lote de libros.
10. **Se nalgunha categoría as obras non acadan o nivel mínimo esixible, o xurado poderá declarar deserto un ou todos os premios contemplados nestas bases. As dotacións económicas dos premios desertos poderán ser empregadas para premiar obras de calquera outra categoría.**

BASES ESPECÍFICAS

CERTAME VIDEOCLIP MUSICAL BEN VEÑAS, MAIO

Os videoclips, a música e os textos serán orixinais e en galego. As letras musicadas poderán ser de autoría propia ou de poesía galega. Os participantes compartirán os arquivos ou ligazóns dos videoclips por correo electrónico co endereço bvm@pontevedra.gal. O xurado seleccionará os videoclips que optarán aos premios e que serán proxectados na gala do "Ben veñas, maio", xoves 9 de maio. Antes de cada proxección cada participante realizará unha presentación, en lingua galega, do videoclip que será valorada polo xurado (non poderá exceder de 3 minutos).

BASES ESPECÍFICAS:

- A duración do vídeo non poderá sobrepasar os 5 minutos.
 - Formato horizontal en .MP4, .M4V, .MPG, .WMV, .FLV, .AVI ou .MOV.
 - Calidade mínima requirida HD 720 p.
 - Os dereitos de autoría, licenzas de uso e participantes deberán aparecer nos títulos finais de crédito.
 - Ao remate dos títulos de créditos deberán incluírse os logos do Concello de Pontevedra e do Ben veñas maio que **poden descargarse no sitio web pontevedra.gal**
- PREMIOS**
- Primeiro premio: 450 € e diploma.
 - Segundo premio: 300 € e diploma.
 - Terceiro premio: 150 € e diploma.
 - Premio especial: 100 € por membro do grupo, ata un máximo de 600 €.

III CERTAME DE CURTAMETRAXES BEN VEÑAS, MAIO

As curtametraxes serán orixinais e inéditas e de temática libre. O idioma empregado será a lingua galega. Os participantes compartirán os arquivos co endereço electrónico bvm@pontevedra.gal. **BASES ESPECÍFICAS:**

- A duración do vídeo non poderá sobrepasar os 5 minutos.
- Formato horizontal en .MP4, .M4V, .MPG, .WMV, .FLV, .AVI ou .MOV.
- Calidade mínima requirida HD 720 p.
- Os dereitos de autoría, licenzas de uso e participantes deberán aparecer nos títulos finais de crédito.
- Ao remate dos títulos de créditos deberán incluírse os logos do Concello de Pontevedra e do Ben veñas maio que **poden descargarse no sitio web pontevedra.gal**

PREMIOS

- Primeiro premio: 150 €, lote de libros.
- Segundo premio: 100 €, lote de libros.

XVIII CERTAME DE FOTOGRAFÍA BEN VEÑAS, MAIO

As fotografías deberán recoller algunha imaxe que represente o uso anómalo ou curioso da lingua galega en rótulos, pancartas, faixas publicitarias, pintadas, indicadores... Cada fotografía achegarase cun comentario en galego que xustifique o interese da imaxe obtida, así como o lugar e a data de obtención. A técnica fotográfica e o tamaño serán libres. **PREMIOS**

- Primeiro premio: 150 €, lote de libros e diploma
- Segundo premio: 75 €, lote de libros e diploma

XXVI CERTAME DE BANDA DESEÑADA BEN VEÑAS, MAIO

As obras serán orixinais e inéditas. No tema deberá reflexionarse sobre o uso e valoración das linguas e os textos serán en lingua galega. Poderá utilizarse calquera técnica. O formato será DIN-A4 ou ampliación ou redución proporcional. A extensión será de dúas páxinas como mínimo e de seis como máximo. Deberán presentarse orixinal e fotocopia de cada unha das obras. **Establécense dúas categorías:**

- Categoría A: ata 14 anos inclusive.
- Categoría B: a partir de 15 anos.

PREMIOS

- Primeiro premio: 150 €, lote de libros e diploma.
- Segundo premio: 75 €, lote de libros e diploma.

XXVI CERTAME DE NARRACIÓN CURTA BEN VEÑAS, MAIO

O tema das narracións será libre. As obras deberán estar escritas en lingua galega e ser absolutamente orixinais e inéditas; terán unha extensión mínima de dous folios e máxima de seis, mecanografiadas a dobre espazo, por unha soa cara e con letra Times New Roman do tamaño 12. Os participantes entregarán os orixinais e enviarán unha copia en PDF por correo electrónico ao endereço bvm@pontevedra.gal. **Establécense dúas categorías:**

- Categoría A: ata 14 anos inclusive.
- Categoría B: a partir de 15 anos.

PREMIOS

- Primeiro premio: 150 €, lote de libros e diploma.
- Segundo premio: 75 €, lote de libros e diploma.

XVIII CERTAME DE POESÍA BEN VEÑAS, MAIO

O tema dos poemas será libre, e no tocante á extensión, un máximo de trinta versos. As obras serán orixinais e inéditas, escritas en lingua galega e mecanografiadas a dobre espazo, por unha soa cara e con letra Times New Roman do tamaño 12. Os participantes entregarán os orixinais e enviarán unha copia en PDF por correo electrónico ao endereço bvm@pontevedra.gal. **Establécense dúas categorías:**

- Categoría A: ata 14 anos inclusive.
- Categoría B: a partir de 15 anos.

PREMIOS

- Primeiro premio: 150 €, lote de libros e diploma.
- Segundo premio: 75 €, lote de libros e diploma.

XXIII SEMANA TEATRAL BEN VEÑAS, MAIO

Mostra do traballo realizado en lingua galega ao longo do curso polos grupos teatrais dos diferentes institutos. Este certame desenvolverase durante os días **martes 7, mércores 8 e xoves 9 de maio** no Teatro Principal e segundo un programa que se anunciará previamente nos propios centros. O aforoamento, cartelería e as intervencións dentro e fóra da obra empregarán a lingua galega. Os grupos participantes disporán dun vale de ata 150 € para a adquisición de materiais para a obra.

ORGANIZAN:



COORDINADORA DE EQUIPOS DE NORMALIZACIÓN DA LINGUA GALEGA DOS IES E CIPP DE PONTEVEDRA